



EXAMINATIONS COUNCIL OF ZAMBIA
JUNIOR SECONDARY SCHOOL LEAVING EXAMINATION (GRADE 9) – 2014

KIIKAONDE 306/2
PEEPALA WA BUBIJI
(SPECIMEN)

(INTERNAL AND EXTERNAL CANDIDATES)

KIMYE: MAAWALA ABIJI

TUKATO: 60

JIIZHINA: _____

NAAMBALA YA LWEESEKO: _____

SUKUULU/SEENTA: _____

Maseelo fooni **kechi** aaswiishiwa mu kibaamba kya kuneembelamo lweeseke ine.

MIKAAMBIZHO:

Kizhila kuzhikula mukachi ka uno peepala saka bakyaangye kukubuula.

KIBESE	TUKATO	TUKATO TO AAJAAMO
A	15	
B	15	
C	10	
D	10	
E	10	
TUKATO TOONSE	60	

A. KUTAANGA NE KUUMVWIISHA [Tukato 15]

- 1** Naamba tuumvwe ku kiswa kwaayiile ba Nswaana Kyaayo, e-e kibooko kyaalajika ne kya 'teebele!'. Kikuwila kyaakaasa ne mu bushiia bwa musaanza wa Jiiwuundu. Kuumvwa beena kyuulu mu ntoto kyaayitabulwiila ne kya 'te-e wa-a, te-e wa-a!' Kuumvwa miteto kyaasaampaana ne kya 'ñoo, ñoo, ñoo!' Milukuchi nayo kiingitu, nsono ne maleenge keekikoondakanetu noobe mubeena kupita kaanzhiimbiji kakataampe. 5
- 2** Kuumvwa ba Nswaana Kyaayo baabijika na jiiwi ja bulobo amba, "Kyaapwa naakulowa amiwa mulowa nyama, bakweetu balowako baantu! Obewa mmaanko yaazhimina poonka pano, kabiji kechi ukeendeepo jibiji mu miseezho ya Jiiwuundu ine!"
- 3** Naamba tutale mbowo wa ngase waapitatu kapaambala, kunaankama 10 paayimeene ba Nswaana Kyaayo. Baantu ku bichi ko baapulamine ke maakaaka kuumvwa amba, "Mwaafwa mbowo awo wiiya. Endeshaayi kupamina ku kichi nyama waaya eemukozhe!"
- 4** Noobe mukukopatu kwa jiiso, kutala mbowo waaseelula ba Nswaana Kyaayo mu lweelele! Baantu ku bichi ko baajiinga michima muunda kwiikalamo ine. 15 Kutala ba Nswaana Kyaayo baakaponena ku nyuma yaanji kitaka! Aku kasa baalama ne buta bwaabo ku kuboko. Poonkaapo abo baamu kaampamo ne nkapila pa jiiitako, kuumvwa amba, "Waashi uunkozhezhe kika obewa kiimushipwa mbowo? Malwa oobe!"
- 5** Bukiji-bukijitu ba Nswaana Kyaayo baapamijiile ku kichi kya musoombo 20 kyaajiinga peepi. Naanchi mwaane ko kwaajiinga kwiilombola beene, pa nyuma ya kupuluka mu yibila.

Mbowo waaubiletu fuumpile, ba Nswaana Kyaayo kwiibamona ine. Pano byo aaubileetu amba azhaatulukeenga, naanchi ba Mushalwaayo baaji kweendatu kala nakuta luvula noobe kapaka. Kuumvwa bwaavuma! Kutala 25 mbowo wiituumpa mwiulu, kataanda kano wiikaampa paanshi, ne kipiinga lapu! Poonkaapo ne masukula tubu-tubu. Ba Mushalwaayo baabijika amba, "Naakutuuta!"
- 6** Ba Nswaana Kyaayo baapulamukile ku kichi ko baapulamine. Poonkaapo 30 baasomona ne katemo ko baamanyikile ne kumuteeta mutwe. Kwaakubula naangwa kutaayatu kinye ine, bino bilobo bibiji byaatweela ne mu mutoomboko. Kwaapwa byaashibapo ne ka lwiimbo poonkaapo keebilale ne mushiji.
- 7** Pa kuumvwa lwiimbo wa mutoomboko baantu boonse baajiinga ku bichi po 35 baakijileeko ne kusoondokela ku musaanza. Byo baafikile kookwa, ba Mukuuña-Mpese baapiimpwiile ba Nswaana Kyaayo ne kwiibapaapa ku maansuunsu, byoonka byuuba Kimaankata.

Naanchi jiimbalakata jaatwaajijila, ba Mukuuña-Mpese nabo ne kwiibilaasapotu amba kujipo ne kineemenezhi ine. Luuntu kyaaubiletu toomboke-e, paka ne 40 nsono yoonse vikichi-vikichi.
- 8** Jino jaajiinga juuba jaaloozele ba Nswaana Kyaayo mbowo wa ngase, yeenka waashi akeebazhiye mu Jiiwuundu.

MEEPUZHO [Tukato 15]

Kuumbula ano meepuzho moonka mwaayiila jiishimikila.

(a) Anga 'beena kyuulu' baajiinga mu ntoto bo baañanyi?

- a. Nsono
- b. Makena
- c. Maleenge
- d. Kaanzhiimbiji

_____ [1]

(b) Musaanza wa ñanyi mukola kwaayiile ba Nswaana Kyaayo?

_____ [1]

(c) Neemba bipelu bibiji biji mu kyeepelo kitaanshi kya jiishimikila byaamweesha amba mbowo waalukuchile biingi.

_____ [2]

(d) Mu kyeepelo kya bubiji, ba Nswaana Kyaayo amba, "Kyaapwa naakulowa"

Loondolola mashiinda abiji mulowela kibiinda nyama.

_____ [2]

(e) Toongola kyuubilo kimo kiji mu kyeepelo kya busatu kyaamweesha amba mbowo waabuukile bukaji.

_____ [1]

(f) Kweesakanya na kyeepelo kya buna, ba Nswaana Kyaayo kechi baaponene paanshi ñe. Neemba kyaambo kimo (kaluumbuluumbu) kiji mu jiishimikila kya kubuula bino.

_____ [1]

(g) Mu kyeepelo kya butaanu, ba Nswaana Kyaayo baapamijiile ku kichi kya musoombo. Kweesakana na byo waalaanguluka, inge baabujile kupamina ku kichi bukiji inge kika kiiba mweekejiile? Maambo ka?

_____ [2]

- (h) Neemba **kipashañeeno** kyaaingijishiwa mu kyeepelo kya butaanu, yaaluumbulula ñeendelo ya ba Mushalwaayo.

[1]

- (i) Naanchi **kiplinga** kyaatoongolwa mu kyeepelo kya butaanu kyo kika?

- a. Mate
- b. Masukula
- c. Kimina
- d. Tuvi

[1]

- (j) Luumbulula ñaambilo ya ".... **Mmaanko yaazhimina poonka pano**", noobe byo beeyiingijisha mu kyeepelo kya bubiji.

[1]

- (k) Ba Mukuufia-Mpese baapaapile ba Nswaana Kyaayo ku maansuunsu byoonka byuuba Kimaankata.

Anga **Kimaankata** mwiingilo waanji ke wa byeepe?

- a. Kupaapa mfumu
- b. Kupaapa baana
- c. Kupaapa bafu
- d. Kupaapa lukano

[1]

- (l) Ñanyi mutwe waafwaayinwa jino jiishimikila?

[1]

B MULAKAZHILO [Tukato 15]

Kuumbula ano meepuzho kuloondela mikaambizho yaapaanyiwa mu tuzhiko

- (a) Baantu baapulamine ku bichi.

[1]

(Neemba utwaale mu kimye-ngubo kya **luno**)

- (b) Kibooko kyaalajika.

[1]

(Neemba utwaale mu kimye-ngubo kya **luunyuma**)

- (c) Baaloza mbowo leelo.

[1]

(Neemba utwaale mu kimye-ngubo kya **luno-ntwaajijilo**)

- (d) Mbowo waatemwa kweenda _____ (biilubilo/lubilo) [1]

 (Pwiisha na **nduumbululo** yaafwaayinwa)
- (e) Ba Mushalwaayo baavwaajile jilaya _____ (jifiita/kifiita) [1]

 (Pwiisha na **kaluumbuluzhi** kaafwaayinwa)
- (f) Bilobo byaazhiile mutoomboko mu musaanza. [1]

 (Neemba utwaale mu **bu-kimo**/inge kilobo umo)
- (g) Mbowo **uja** kutama. [1]

 (Neembulula upiimpule **kyuubilo** ne kipelu utwaale mu **bu-kiintu**)
- (h) Ba Mushalwaayo baajimwiine baantu ku mbowo waayishileenga. [1]

 (Piimpula kufumya mu **mpiimpwiilo** kutwaala mu **nshiinkamika**)
- (i) Buta _____ (kya/bwa) ba Nswaana Kyaayo bwaavuma. [1]

 (Pwiisha na kuyuuzhamo **nswaaneeno** yaafwaayinwa)
- (j) _____ (Koonse/Joose) ba Mushalwaayo baya ku Jiiwuundu. [1]

 (Teendeka na **nduumbululo** yaafwaayinwa)
- (k) Mbowo _____ (kyaazama/waazama) ye waapita kapaambala. [1]

 (Pwiisha na kuyuuzhaamo **kaluumbuluzhi** kaafwaayinwa)
- (l) Ba Nswaana Kyaayo baabjikile amba, "Kyaapwa naakulowa amiwa" [1]

 (Piimpula kufumya mu **nshiinkamika** kutwaala mu **mpiimpwiilo**)
- (m) Maseengo _____ (kaafulumana/aafulumana) o aakwa mbowo. [1]

 (Pwiisha nakuyuuzhaamo **kaluumbuluzhi** kaafwaayinwa)

(n) Ba Mushalwaayo baabuujile mbowo amba baamutuuta.

[1]

(Piimpula kufumya mu **mpiimpwiilo** kutwaala mu **nshiinkamika**)

(o) Ba Nswaana Kyaayo baalooza buta _____ (tutaataaka/kataataaka)

[1]

(Pwiisha na **nduumbululo** yaafwaayinwa)

C NGIPIPISHILO [Tukato 10]

Neemba **kayuukanyikishilo** ka koongola baantu ba kukeeya kupota biintu byaatoongolwa byo uji naabyo. Ingijisha byaambo biipi-biipi bya kiinteente byaakoonsha koongola baantu. Kayuukanyikishilo koobe keekale na bino:

- Mutwe
- Mpuunzha ne kimasamasa kukapoteshiwaanga biintu
- Muteengo pakapoteshewaanga biintu
- Juuba jikapoteeshewaanga biintu
- Musaango wa baantu baaketekelwa kupota biintu

Ingijisha bisopelo-kata byaalaba buloongo pakuneemba. Vuluka kushila bishilwa kuunsa koonse kwa kayuukanyikishilo koobe, pakuuba kamweeke buloongo.

D. NTUUNTULWIILO [Tukato 10]

Tuuntulula bino bipelu kufumya mu **Kizuungu** kutwaala mu **Kiikaonde**.

- 1** I write to remind you that Zambia will be 50 years old by 24th October this year.

 _____ [2]

- 2** This means that Zambia will attain 50 years of independence from colonial rule.

 _____ [2]

- 3** Boys, girls and teachers are busy making preparations for the big day.

 _____ [2]

- 4** For this reason, it is important for you to attend this celebration which will take place at my school on 24th October this year.

 _____ [2]

- 5** There will be activities such as, singing, dancing, eating and sporting activities.

 _____ [2]

E. BISHIIMPI [Tukato 5]

Kuumbula bino bishiimpi moonka mwaayiila mikaambizho.

- (a) Ufwiila pa beengi _____

 (Pwiisha kishiimpi) [1]

- (b) Kapyanga upyaanga paanji.

 (Luumbulula) [1]

- (c) _____ mujilo kootela ne mu nyuma

(Teendeka kishiimpi) [1]

(d) Kyaatuumbula nkwaaji _____

(Pwiisha kishiimpi) [1]

(e) Kipaanga nsoko, mpoombo kilubi ke aseke

(Luumbulula) [1]

(f) _____ ne kasha waabola.

(Teendeka kishiimpi) [1]

(g) Kizhila kupuma mfumu, mino inge waatamisha kyaapeela kumusaanzamo.

(Neemba kishiimpi kiine) [1]

(h) _____ malubukilo ku musaanza.

(Pwiisha kishiimpi) [1]

(i) Buuya ntaangiile _____

(Teendeka kishiimpi) [1]

(j) Inge lukatazho lwaaku shiinkamana, kechi kyaapeela kwiilupiisha obewa mwiine ine. Kanaatu mukweenu ye waakoonsha kwiilupwiisha.

(Neemba kishiimpi kiine) [1]

Toonse [15]

Mpelo!

ECZ PAST PAPERS. REVISE AND PASS ECZ EXAMS-G7, G9 AND G12

**DOWNLOAD FREE ECZ
PAST PAPERS IN PDF.**

**GO TO:
WWW.ZEDPASTPAPERS.COM**